

Perorsaanermik Ilanniarfik

Socialpædagogisk Seminarium



PI/SPS
ILINNIARNERUP
AAQQISSUGAANERA

**Ilinniagartuutut Ilinniagaq
Isumaginninnerup iluani
siunnersorti.**

Apriili 2020



Imarisai

Rektoriq siuleqtitut oqaaseqaatai	4
Aallaqqaasiut.....	4
Atortuulersitsineq	5
Ilinniakkap toqqammavii malitassatullu atugassiai	6
Ilinniakkami kalaallit tungaanniit sammivilineq.....	6
Ilinniakkap ineriartornera, ataqatigiinnersa atajuarneralu.....	6
Ilinniakkap sivisussusaa ECTS-inngorlugu	6
Ilinniakkamut isernissamut piumasaqaatit.....	7
Qinnuteqarnissamut killigititaq ilinnialernissamullu akuerineqarneq	7
Ilinniakkap siunertaa anguniagaalu	8
Isumaginninnerup iluani Siunnersortitut ilinniakkamik naammassinnissimasup piginnaasatigut ilisarnaatai.....	8
Isumaginninnerup iluani Siunnersortitut Ilinniagartuutut Ilinniakkami ilikkagassatut anguniakkat	9
Ilinniakkap sannaq aaqqissugaaneralu	10
Ilinniartitsinermi toqqammaviit najoqqtassallu	11
Imarisat suliassaqarfimmut tunngasut modulinilu ataasiakkaani ilikkagassatut anguniakkat	12
Modul 1: Isumaginninnerup iluani sulineq – toqqammaviit suliamullu tunngasut.....	13
Modul 2: Ingerlatitsiviit pillugit ilisimasassat.....	14
Modul 3: Isumaginninnerup iluani suliassat inuiaqatigiinnilu pissutsit.....	15
Modul 4: Inunnut ataasiakkaanut, innuttaasunut ilaqtariillu pillugit inatsit.....	16
Modul 5: Meeqqat inuuasut....	17
Modul 6: Suliffimmi pissutsit	18
Modul 7: Inuttut inooqatigiinnikkullu naligiiinnginneq atugarliornerlu - inuk ataaseq ilaqtariillu.....	19
Modul 8: Aaqqissuussaaneq, attaveqatigiinneq siunnersueriaaserlu.....	20
Modul 9: Aliasuuteqarneq, ajornartoorneq nalaassimasamillu kingunerlutsitsineq	21
Modul 10: Isumaginninnerup iluani siunnersuineq.....	22
Modul 11: Piffissamut itinerusumik sammisaqarfissamut aalajangersimasumillu	23
Modul 12: Soraarummeerneq	24
Soraarummeerneq misilitsinnerillu	24
Modulini misilitsinnerit.....	24
Soraarummeernermi modulinilu misilitsinnerni soraarummeertunik nalileeqataasut pillugit aalajangersakkat	25

Misilitseqqinnissamut, napparsimanerup kingorna soraarummeernissamut suliffimmillu misiliinissamut piffissarititaq nutaamut aalajangersakkat	25
Soraarummeernerut allagartaq ilassuteqaatitullu allagartaq (Diploma Supplement)	26
Naammagittaalliornerit	26
Ilinniarnerup nalaani nunani allaniinneq	26
Ilinniarnerup nalaani siunnersortinneq	26
Ilinniartunik siunnersuineq	27
Suliatigut siunnersortinneq.....	27
Peqataanissamut pisussaatitaaffik	27
Ilinniakkamik aallussineq	27
Amigartumik peqataaneq	28
Piffissaq naammassinissamut atorneqartoq	28
Immikkut akuerineqarnissamut aalajangersakkat.....	28

Rektorip siuleqtitut oqaaseqaatai

Perorsaanermik Ilinniarfimmi / Socialpædagogisk Seminariumimi (PI/SPS) Isumaginninnerup iluani Siunnersortitut Ilinniagartuutut Ilinniakkap aaqqissugaanera uunga ilinniakkap aaqqissuunneranut imarisaanullu toqqammaviuvoq.

Isumaginninnerup iluani Siunnersortitut Ilinniagaq 2020-mi Ilisimatusarfimmiit PI/SPS-imut nuunneqarpoq Qitiusumillu ilinniarfittut Isumaginninnerup iluani Siunnersortitut Ilinniagartuutut Ilinniakkap ingerlaqqiffiusumik ilinniakkatut neqeroorutigineqarnissa Naalakkersuisunit akuerineqarluni.

PI/SPS-ip Isumaginninnerup iluani Siunnersortitut Ilinniagartuutut Ilinniagaq neqeroorutigisinnaammagu isumaginninnerullu iluani siunnersuinermut ilinniakkap tungaatigut kivitseqataasinnaagami nuannaarutigaa.

Ilinniagaq suliassaqarfimmi piviusorsiortumik suliaqarnermik ilinniartullu siunnersuinikkut tunngasutigut sulinerminit misilittagarerriigaaniit ilanngussaqernerannit aallaaveqarpoq, taamaattumillu siunnersuinerup iluani atorfegareersunut tulluarsagaavoq.

Isumaginninnerup iluani Siunnersortitut ilinniagaq ilinniagartuutut ilinniagaavoq, suliassaqarfimmi misilittakkanit suliassaqarfimmilu piginnaasanit aallaaveqartoq taakkuninngalu ilinniartup atuagarsornermut ilinniakkallu aaqqissugaaneranut naleqqiullugu tapiissuteqassaaq. Taamaasilluni ilinniarneq nikerarfiusuupoq, piffissap ilaa suliffimmi ilaalu ilinniakkami modulinut atorneqassaaq.

Sumiiffinni piukkunnaatilinnik holdiunissaminnut naammattunik qinnuteqarfiusuni aammattaaq sumiiffinni ilinniagaqarnissamut toqqammavinnik pitsasunik pilersitsiffiusinnaasuni najugarisaq qimannagu ilinniagaq neqeroorutigineqarpoq. Isumaginninnermut tunngatillugu ilinniartitaanermi aaqqissuussaanikkut suliassanut pikkorissutsip qaffassarneqarnissa nangitsiviusumillu ilinniagaqarsinnaanissap periarfissaanissai aamma siunertarineqarpoq, Isumaginninnerup iluani Siunnersortitut ilinniakkami anguniakkat angunerisigut isumaginninnikkut siunnersortitut bachelorinngorniartoqarsinnaavoq, tak. ilinniakkami angusimasanik Ilisimatusarfimmi ilinniarnissamut nuussilluni ilinniakkamut isernissamut piusaqaatit.

Ilinniarnerup aaqqissugaanera ullormi 12. marts 2020-mi PI/SPS-
imi siulersuisunit akuerineqarpoq

Nuka Kleemann
Rektori

Aallaqqaasiut

Perorsaanermik Ilinnarfimmi / Socialpædagogisk Seminariumimi (PI/SPS) Isumaginninnerup iluani Siunnersortitut Ilinniagartuutut Ilinniakkap aaqqissugaanera una allakkiaavoq inatsisit, peqqussutit, nalunaarutit aalajangersakkallu allat atuuttut toqqammavigalugit ilinniakkami maleruagassanut aalajangiisusoq.

PI/SPS-imi Isumaginninnerup iluani Siunnersortitut Ilinniagartuutut Ilinniakkap aaqqissugaanera suliassaqarfimmuit ilinniartitsinermullu tunngasunut aalajangersakkanik imaqarpoq. Aammataaq ilinniartitaanerup sannaata ilinniartitsissutini modulinilu siunertarineqartut, kiisalu ilinniartitaanerup ineriertortinnerata nassuaataanik imaqarpoq.

Ilinniarnerup aaqqissugaanera ilinniarneq pillugu quppersakkamik tapertaqarpoq sukumiinerusumik ilinniagaq pillugu allaatiginnitumik, tamatumunnga ilanngullugit ilinniakkap moduliisa imarisai. Ilinniarneq pillugu quppersakkami aamma PI/SPS-imi ilinniartut avatangiisii sammisarisartaagaalu assigiinngitsut, siunnersuisoqatigiit ataatsimiitallu, kiisalu ilinniarneq aamma PI/SPS pillugit paasissutissanik allanik imaqarpoq.

Isumaginninnerup iluani Siunnersortitut Ilinniagartuutut Ilinniakkamut aalajangersakkat akuerisat.

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq
- Karakteeriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Perorsaanermi Ilinnarfimmi Isumaginninnerup iluani Siunnersortitut Sullisisutut Ilinniagartuutut Ilinniakkamik angusineq Isumaginninnerup iluani Siunnersortitut taaguuteqartitsilissaaq. Danskisut ima taaguuteqarpoq: Rådgiver i Socialt Arbejde tuluttullu ima taaguuteqarluni: Counsellor in Social Work.

Ilinniakkap aaqqissugaanera ukiup ilinniarfiusup aallartinnerani atuutilissaaq aatsaallu piumasarineqarpat ikaarsaarniarnermi malittarisassanik imaqassaaq. Ilinniakkat aaqqissugaaneri ilinniarfiup nittartagaani kikkunnit tamanit atuarneqarsinnaasussaapput.

Atortuulersitsineq

Isumaginninnerup iluani Siunnersortitut Ilinniagartuutut Ilinniakkap aaqqissugaanera una 1. august 2020-miit atuutilersinneqassaaq siuliatalu Najugarisaq qimannagu Isumaginninnerup iluani Siunnersortitut ilinniakkap aaqqissugaanera taarsissallugu.

Ilinniakkap toqqammavii malitassatullu atugassiai

Inunni isumaginninnermik suliaqarnerup iluani aamma ingerlatsinermi oqartussat isumaginninnikkut suliassaqarfiat tamakkerlugu ilinniagaq sammiveqarpoq.

Ilinniakkami kalaallit tungaannit sammiviliineq

Ilinniagaq kalaallit inuaqatigiit kulturallu toqqammavigalugit aaqqissuussaavoq. Ilinniartut tamassumunnga namminneq siunnersuinikkut misilitakkaminnik maluginiarsimasaminillu ilisarititsinissaat naatsorsuutigineqarpoq tamannalu holdit ataatsimoorlutik isummersoqatigiinnissaannut atortussiaassaaq. Piviusunik katersilluni (casestudie) ilinniarnermi suliaqarneq kalaallit tungaannit sammiviliinermik aallaaveqarpoq Kalaallillu Nunaanni siunnersuinermi pissutsinut sammiveqarluni. Ilinniartup ilinniarnerminut tapersiinera ilinniarnerup annertunerpaartaani Kalaallit Nunaanni inuuniarnikkut atukkat pilligit suliatigut sammisaqartitsissaaq.

Ilinniakkap ineriartornera, ataqtigiainnera atajuarneralu

Isumaginninnerup iluani Siunnersortitut Ilinniagartuutut Ilinniagaq piffissap ilaanut ilinniaritaanertut aaqqissuussaavoq, ilinniarneq ukiunik pingasunik sivisussuseqarpoq arfinilinnik semesterilik 12-inillu pilersaarusiukkanik ilinniaritaanissamut moduleqarluni. Ilinniarnerup ingerlanera modulini sammisat aallaavigalugit aaqqissuussaavoq ilinniagaq ineriartikkumallugu ataqigiissikkumallugulu.

Ilinniakkap aaqqissugaanerani atuagarsorneq sulinerlu ataavartumik ataqtigipiiput. Tamanna ilinniarititsinermut sulinerup ilanngunneqartarneranik ingerlaavartumik tunngavilersorneqarpoq, soorlutaaq naatsorsuutigineqartoq ilinniaritut moduliniit teoriit suliffimminni sulinerminni atortassagaat naatsorsuutigineqartoq. Ilinniarneq isumaginninnerup iluani siunnersortitut modulinilu ilinniaritaanerit akornanni sunneeqtigiainneratigut ingerlanneqassaaq.

Ilinniakkap sivisussusaa ECTS-ingorlugu

Piffissaq eqqarsaatigalugu modulit ataasiakkaat akornanni angerlarsimaffimmi suliaqartarnissaq naatsorsuutigineqassaaq. Modulit tamarmik kingorna suliakkiisoqartassaaq, modulillu akornanni ilinniaritut ilinniarititsisullu akoranni ilinniaritaaneq/siunnersortinneq/suleqatigiilluni isumasioqatigiinneq internetikkut ingerlanneqarnissaa piumasarineqartassaaq.

Modulini ilinniaritaanerit ilinniarnissamullu atuagarsorneq aamma sulineq ataqtigisillugit piareersarnermik suliaqarneq, ilinniakkamilu ilikkagassatut anguniakkat angunissaanut suliaqarneq katillugit semesterimi ataatsimi annertussusaa 15 ECTS-imik naleqarpoq (1 ECTS agguaqatigiisillugu 27 – 28 tiimit missaanni ilinniarnermi suliaqarnermik naleqarpoq).

Ilinniagartuutut ilinniagaq tamakkerlugu 90 ECTS pointinik annertussusiligaavoq .

Ilinniakkamut isernissamut piumasaqaatit

Ilinniagaq isumaginninnerup iluani sulisunoortuuvoq, pingaarnertut isumaginninnerup iluani ajornartorsiuinut tunngasunik suliassanillu suliaqartartunut.

Qinnuteqartup Ilinniagartuutut ilinniakkamut akuerisaanissaanut piumasaqaatit tassaapput

- ilinniarnerstuutut naammassisimanissaq, imaluunniit
- niuernermi ilinniakkamik naammassinnissimanissaq, assersuutigalugu HK-mut tunngasumik ilinniagaq, imaluunniit
- isumaginninnerup iluani inuussutissarsiutitigut ilinniakkamik naammassinnissimanissaq, assersuutigalugu socialassistantitut, peqqissaanermut ikiortitut imaluunniit siunnersuinerme ikiortitut, imaluunniit
- meeqqat atuarfianni inaarutaasumik misilitsissimaneq ilanngunnagu naapertuuttumik akuerisamik ilinniarsimanissaq, assersuutigalugu attaveqatigiinnerup, oqaloqatiginneriaatsip iluini sivisuumik pikkorissarsimanissaq, assingusumilluunniit

Saniatigut aamma piumasaqaataavoq qinnuteqartup

- minnerpaamik ukiuni marlunni naapertuuttumik upternarsaatitalimmillu isumaginninnerup iluani siunnersuisutut sulinermik misilittagaqarsimanissaa, aamma
- meeqqanut iniusuttunullu innarluutilinnulluunniit imaluunniit inersimasunik utoqqarnilluunniit aarlerinartorsiortunut tunngassutilinnut oqartussatut sullisisutut upternarsaatitalimmik atorfegarsimanissaa, aamma
- suliffisaq peqatigalugu ilinniarnerstuutut pilersaarusrorsimanissaa, tassani modulini ilinniartitaanerup akornanni sulinermi ilinniarneq qanoq isilluni salliunneqarnissaa ilaassaaq.

Qinnuteqarnissamut killigititaq ilinnialernissamullu akuerineqarneq

Ilinniagartuutut ilinniakkamut ukiakkut semesterimi aallartittussamut isernissamut qinnuteqarnissaq 1. marts killeqartinneqarpoq. Ilinniagarisimasat kiisalu sulinermi misilitakkat attuumassuteqartut qinnuteqaammut ilaliunneqassapput.

Ilinniagarisimasat sulinermilu misilitakkat ataatsimoortillugit nalilersorneqarneri ilinnialertussanik toqqaanermi tunngavigineqassapput. Ilinniakkamut inaarutaasumik akuerineqannginnermi ilinniarnissamut pilersaarutip assilinera PI/SPS-ip pissarsiareqqaassavaa, ilinniartup suliffatalu suleqatigillutik pilersaarusrorisimasaat¹

Qinnuteqartunik piukkunnaatilinnik 14-nik akuersinermi ilinniagaq aallartinneqassaaq, holdi ataaseq amerlanerpaamik 20-nik ilinniartoqarsinnaavoq. Ilinniartunut inissanit amerlanernik qinnuteqartoqarnerani piukkunnaatillit ilinniarnerup aallartinnissaanut neqeroorfigineqassapput.

¹ Ilinniarnissamut pilersaarummut najoqqutassiaq PI/SPS-imi piniarneqarsinnaavoq

Ilinnialernissamut akuerisaanermi ilinniartup nipangiussisussaatitaanermut akuersissut atsiussavaa, tamanna inimi ilinniartitsivimmi ilinniartut ilinniartitsisullu akornanni tatigeqatigiinnermut tunngavigineqassaaq.

Isumaginninnerup iluani Siunnersortitut ilinnialernissaminnut akuerisaasut tamarmik Meeqqanik pinerliisimannginnermut Pineqaatissinneqarsimannginnermullu upternarsaataat pissarsiarineqassapput.

- Ilinnialertussap pineqaatissinneqarsimannginnermut upternarsaatinpisssariassavaa PI/SPS-imullu nassiullugu.
- Ilinnialertussap immersugassaq ilaareersoq immersorsinnarlugu PI/SPS-imut nassiutereerpagu Meeqqanik pinerliisimannginnermut upternarsaat PI/SPS-ip aassavaa.

Ilinniakkap siunertaa anguniagaalu

Isumaginninnerup iluani Siunnersortitut Ilinniagartuutut Ilinniakkami siunertarineqartoq tassaavoq Isumaginninnerup iluani ingerlatsinermi oqartussatullu atuuffilit sulisooreersut ilinniaqqissinnaanerannik periarfissinneqarnissaat.

Kalaallit Nunaat tamakkerlugu siunnersuisarnerup iluani piginnaanngorsaqqiineq politikkut soqtigineqarlunilu kissaatigineqarpoq, taamaammat Ilinniagartuutut ilinniagaq suliaqarnermut tunngasutigut piviusorsiortoq periarfissiissutigineqarpoq, ilinniartup ilinniarnini tamaat sulinini ulluinnarsiutinilu attatissavai, siviktsuinnarmillu ulluinnarsiutini qimassallugit ilaatigullu aamma modulini ilinniartitaaniarluni ilaqtuttani qimaqqassallugit.

Ilinniagaq ilinniartup inuttut ineriertornissaanut tapersiissaaq, tamassumunnga ilanngullugu ilinniartup inuaqatigiinni kalaaliusunut soqtiginninera eqeersimaarlunilu peqataanera. Ilinniarnerup aamma pingaartumik kalaallit inuaqatigiinnut kulturiannullu sammiveqarluni Isumaginninnikkut Siunnersortitut Sulinermut tapersiissaaq. Tamanna nunatsinni pisut ersarissut attuumassutillit modulini, ilinniartitsissutini ilinniarnermilu sulianut tunngaqqissaartuni sammineqarneratigut anguniarneqassaaq.

Ilinniarnerup ingerlanerani ilinniartup suliassaqarfiup iluani sulinermini piginnaasaqarfigileriigai ilisimasarileriigaalu annertusarneqassapput, taamaasilluni ilinniarnermigut iumaginninnerup iluani ilisimasasaqarlualerlunilu piginnaasaqarlualellissaq, kiisalu atuagarsornikkut sukumiisumik ilisimasasaqalerlunilu periutsink piginnaasaqalissaq.

Isumaginninnerup iluani Siunnersortitut ilinniakkamik naammassinnissimasup piginnaasatigut ilisarnaatai

Isumaginninnerup iluani Siunnersortitut ilinniagartuutut ilinniakkamik naammassinnissimasut ukuninnga suliaqarnissaminnik piukkunnaateqalissapput:

- Inunnut ataasiakkaanut, eqimattakkaanut, kattuffinnut inuaqatigiinnullu tunngasunut isumaginninnermi suliassanut atatillugu suussusersisinnaaneq, nassuaasinnaaneq, misissuisinnaaneq, naliliisinnaaneq iliuuseqarsinnaanerlu
- Inatsisinut, atuisut inissismaffiannut ingerlatsivimmilu suleriaatsinut naapertuuttumik oqartussaasutut sulianik isumaginnissinnaaneq aalajangiisinnaanerlu kiisalu aalajangererit aallaavigalugit iliuuseqarsinnaaneq
- Isumaginninnermi suliat paasiniarnerinut inuaqatigiinni aaqqissuussaankkullu pissutsinik ilanggussisinnaaneq
- Suliamik ilisimasalittut atuisunut atassuteqalersinnaaneq kiisalu imminermut naleqartitanik, maligassianik isummanillu paasisimasaqarneq tunngavigalugu inunnik sullissisinnaaneq
- Isumaginninnerup iluani sulianik suliaqarneq ataqtigissaarisinnaanerlu aamma isumaginninnerup iluani suliniutnik aaqqissuussineq, kiisalu siunnersuineq, aaqtissiuineq isumaginninnermilu pitsaliuinerterik ikorsiinernillu suliaqarsinnaaneq

Isumaginninnerup iluani Siunnersortitut Ilinniagartuutut Ilinniakkami ilikkagassatut anguniakkat

Piginnaasassatut piumasaqaqatit qulaani allassimasut peqataasunut ilinniartitaanikkut ukuninnga angusaqarnissaannik nassataqassapput:

- Aalajangersimasumik periuseqarluni sulianik suliaqarnerni paasisimasaqarneq piginnaasaqarnerlu
- Isumaginninnermi sulinermik ilisimasqarneq paasisimasaqarnerlu, inuttut ajornartorsiutaasut, inunnut ataasiakkaanut eqimattakkaanullu pisunik malunnaatilinnik kingunerisaanillu tamakkiisumik paasinnissinnaanerussammata
- Atuagarsornerup periutsillu tungaaniit paasisimasaqarneq, inuttut ajornartorsiortunut atatillugu pitsaliuinermut ikorsiinernilu suliaqarnermi tamakkiisumik paasisimasatik atorsinnaaniassammassuk
- Inuaqatigiinni kalaaliusuni inuttut inooqataanermi aningaasaqarnikkullu ineriarneq pillugu ilisimasqarneq
- Inuttut ajornartorsiutinut tunngasutigut inooqatigiinnik ilisimatusaatikkut sammiveqartunik ilisimasqarneq
- Aaqqissuussaankkut toqqammavagineqartut isumaginninnerup iluani sulinermut pingaaruteqassusaannik paasisimasaqarneq
- Ingerlatsivinni aalajangiisarnernut periutsinut tunngavigineqartunik paasisimasaqarneq
- Ilaqtariinnut tunngasunik suliaqartarnermi maleruagassat maleruagassallu allat isumaginninnermi suliaqarnermut pingaaruteqartut pillugit ilisimasqarneq
- Isumaginninnermi malittarisassanik ilisimasqarluarneq taakkuninngalu atuinissamut piginnaasaqarneq
- Isumaginninnerup iluani siunnersortitut nammineq inuttut qanoq ittuunerata sulineratalu ataqtiginnerinut paasisimasaqarneq. Aammattaq suliamik ilisimasalittut atassuteqalernissamut piginnaasaqarneq suliamillu ilisimasalittut oqaloqateqarnissamik pilersitsinissamik paasisimasaqarneq
- Inuttut piginnaasanik nukittorsaaneq, tamassumunnga ilanngullugu attaveqatigiinnermi piginnaasat

- Qitiusutut saaffigisat pillugit ilisimasaqarneq kiisalu saaffigisanut tassunga atatillugu inuiaqatigiinnik ilisimatusaatinik tarnillu pissusaanik ilisimatusaatinik ilisimasaqarneq

Ilinniakkap sannaq aaqqissugaaneralu

Ilinniartitaanermi modulit Kalaallit Nunaanni sumiiffinni assigiinngitsuni ingerlanneqassapput. Ilinniarnermi ilinnaartitaanermilu avatangiisit eqqarsaatigalugit ilinnaartitaanermi modulit ilai PI/SPS-ip qitiusumik immikkoortortaqarfiani Ilulissani ingerlanneqassapput. Modulit allat sumiiffinni ilinnaartitsisinnaanermut atortussanik pissarsiaqarfiusinnaasuni PI/SPS-ip sineriammi najugarisami immikkoortortaqarfiani allani sumiiffinniluunniit allani ingerlanneqarnissaat aaqqissuunneqassaaq. Ilinniartut allat peqatigalugit, ilaatigut isumaginninnermi assistentinngorniat isumaginninnermilu perorsaasunngorniat peqatigalugit sunniiveqatigittarnissaq eqqarsaatigineqassaaq, isumaginninnermi suliaqarnermi sammisat kattutaarlugit sammivii paasisimasaqarfigilernissaat nukitorsarumallugu.

Ilinniartut ilinnaakkamik aallartitsisussat amerlanerpaartaat sumi najugaqarnersut modulit aaqqissuunneqarnerini eqqarsaatigineqassaaq.

Ilinniagaq ukiunik pingasunik sivissussuseqarpoq. Semesterimi ataatsimi modulit marluk ingerlanneqartarput nalinginnaasumik sapaatip akunnerinik marlunnik sivissussuseqartut, ilaatigut ullut angalaffiusut ilanggullugit.

Semesterip aallartinnginnerani semesteri tamaat ilinnaarnissamut naatsorsuutigisatut pilersaarasiamik ilinnaartut pissarsissapput. Piffissaq eqqarsaatigalugu atuakkanik atuarnissamut, suliassanik suliaqarnissamut modulillu sioqqullugit kingornalu sulineq pillugu isummersornissamut periarfissaqartitsisoqarniarluni ilinnaarnerup modulii pilersaarusiorneqassapput.

Modulit ima aaqqissuunneqassapput modulit ilai ilinnaartitsissutsimik ataatsimik sammisaqarfiussallutik ilaalu sammisat kattutaarlugit ilinnaartitsissutaassallutik.

Suliaqarfuit aalajangersimasut ataasiakkaat ilaatigut suliassaqarfitsigut immikkoortinnejarsinnaanngillat, kisianni modulini ataasiakkaani ilinniakkami anguniakkat angunissaannut suliaqarnerup annertussusissaa ataani takussutissiami ilusilersorneqarpoq, ilinniartitaanerlu tamanna aallaavigalugu ima aaqqissuunneqarsimavoq:

Ilinniartitsissut:	Isumaginninnerup iluani selineq	Inatsisilerineq	Inuaqatigiilerineq	Tarnip piissusilerineq	Katillugit:
Modul 1	7,5				7,5 ECTS
Modul 2		7,5			7,5 ECTS
Modul 3			7,5		7,5 ECTS
Modul 4		7,5			7,5 ECTS
Modul 5	2,5	1		4	7,5 ECTS
Modul 6	4	1	2,5		7,5 ECTS
Modul 7	3	1,5	3		7,5 ECTS
Modul 8	2		2	3,5	7,5 ECTS
Modul 9				7,5	7,5 ECTS
Modul 10	7,5				7,5 ECTS
Modul 11	7,5				7,5 ECTS
Modul 12	2	1,5	2	2	7,5 ECTS
Katillugit:	36 ECTS	20 ECTS	17 ECTS	17 ECTS	90 ECTS

Ilinniartitsinermi toqqammaviiit najoqqutassallu

Isumaginninnerup iluani Siunnersortitut Ilinniagartuutut Ilinniakkami ilinniartitsineq ilinniartut siunnersuisutut sulinerminni misilittagaanniit, ilisimasaannit ilisimasariigaanillu aallaaveqartinneqarpoq. Tamassuma periutsip ilaatigut ilisarnaatigaa sulinermi misilittakkat pillugit aamma misilittakkanut atatillugu ilinniartup iliuuseqarnissaminut piginnaasai pillugit isummersorneq. Modulini tamani ilinniartut sulinerminni misilittagaasa ilanngunneqarnissaat suliniutigineqartarpoq, tamanna teoriinik, atuakkanik inatsisinillu paasinninnissanut toqqammavigineqarpoq.

Ilinniartoq ilinniaqatigiinnut (studiegruppe) ilanngunneqassaaq, taakkua suleqatigiissutigisassavaat ilinniaqatigiittut suliassat, atuakkat paasinissaat, atuagarsorneq sulinerlu ataqtigiissinniarlugit suleqatigiinneq, ilinniarterup ingerlanerani imminnut kajumissaarniarneq tapersersoqatigiinniarlunilu il.il. Modulimut siullermut piffissallu pingasunut akornanniittunut piareersarnissanut naatsorsuutigineqarpoq ilinniartoq namminersorluni suliaqassasoq imaluunniit eqimattakkaarlutik atuassasanik atuassasut suliassanillu suliaqassasut. Tamassumani naatsorsuutigineqarpoq ilinniartup suliffiani nammineq atuagarsornerminiit sulinerminiillu ilinniarnini pillugu suleqatini avitseqatigalugillu isummersoqatiginissai.

Suliaqarfinni aalajangersimasuni ataasiakkaani, modulini sammisanilu sulinermi ineriantorneq anguniarlugu ilinniartitaaneq aaqqissuunneqarpoq. Ilinniartitaanerme ilinniartitsissutit ilaatigut

assigiinngissutsinik ersersitsinernik siunnersuinermilu sammivilinernik isumaginninnermilu sulinermut tamakkiisumik ataatsimoorussamillu pissarsiffigisassatut sunniiveqatigiissapput. Ilinniarnerup ingerlanerani suleriaaseq namminersornermut saatsinneqariartuaassaaq, ilinniartoq nammineerluni suliassanik suliaqarsinnaanngortikkumallugu.

Ilinniartup sulinikkut ineriartornera sungiusaatnik projektinillu suliaqarneratigut tapersorsorneqassaaq, tassani ajornartorsiutit tungaatigut suliaqarnermi iliuuseqarnissamut piginnaasat ammasumillu aamma tunniutiinnajuissuseqartumik suleriaaseqarnissaq ukkatarineqassaaq.

Ilinniartitaanerup annertunerpaartaa kalaallisut ingerlanneqassaaq, aammattaarli danskisut tuluttulluunniit ilinniartitaaneq ingerlanneqarsinnaalluni. Atuagassat annertunerpaartai kalaallisuuujullutilu danskisuussapput.

Misilitsinnernut soraarummeernerpullu atatillugu suliakkiissutaasimasunik tunniussinermi oqaluttariarsornikkut aamma/imaluunniit allattariarsornikkut atortussanut tunngasutigut oqalutseqarneq nutserisoqarnerlu oqaluuserineqarsinnaavoq.

Imarisat suliassaqarfimmut tunngasut modulinilu ataasiakkaani ilikkagassatut anguniakkat

Modulini ataasiakkaani sammisat, qulequttat imarisai kiisalu modulini ataasiakkaani siunertarisat anguniakkallu quppernerni tullinnguuttuni allattorneqarsimapput ilinniagartuutullu ilinniakkami ilinniartitaanissap aaqqissugaaneranut missingiusiatut ilitsersuutaapput.

Modul 1: Isumaginninnerup iluani sulineq – toqqammaviit suliamullu tunngasut

- Ilinniakkap ilisaritinna
- Isumaginninnerup iluani sulinermi atulersitsineq
- Isumaginninnerup iluani Siunnersortitut atorfearneq
- Isumaginninnerup iluani sulinermi ileqqorissaarneq naleqartitallu
- Isumaginninnerup ataqtigittumik aaqqissugaanerata sannaataatsimut isigalugu
- Aalajangersimasumik periaaseqarluni suliassanik suliaqarneq
- Nalunaarsuivik aalajangersimasumik periutsitut atortoralugu
- Isumaginninnerup iluani sulineq tamakkiisumik isigalugu
- Aningaasaqarneq missingersuusiornerlu

Modulimi siunertarineqarpoq peqataasut nalitsinni inuiaqatigiinni Isumaginninnerup iluani Siunnersortitut atorfearnerup ilisaritinneqarnissaa.

Aallarniutitut ilinniagaq tamaat suliaqarfiillu aalajangersimasut assigiinngitsut ilisimatissutigineqassapput. Aammattaaq ilinniarnermi periaaseq sammineqassaaq. Isumaginninnerup iluani sulinerup isumaata imarisaa ilisaritinneqassaaq oqaluttuarisaanermiillu sammivilerlugu nassuiardeqassalluni. Isumaginninnerup iluani sulinermut atatillugu naleqartitat toqqammavagineqartut isumaalu nassuiardeqassapput soorluttaaq taaguut ileqqorissaarneq nassuiardeqassasoq. Isumaginninnerup ataqtigittumik aaqqissugaanerata sannaaiilinniartitsissutigineqassaaq aalajangersimasumillu periuseqarluni sulianik suliarinninneq, kiisalu nalunaarsuineq (journalskrivning) naatsumillu aningaasaqarneq missingersuusiornerlu sammineqassallutik. Ataatsimoorussamik pissarsiffigisassatut iumaginninnerup iluani sulineq aallaavigineqassaaq.

Modulimi anguniagaq tassaavoq peqataasut:

- Ilinniarnermut periutsimi atortussanik assigiinngitsunik ilisimasaqalernissaat piginnaasaqalernissaallu
- Suliaqarfinni aalajangersimasuni taaguutnik tunngavigineqartunik ilisimasaqalernissaat paasisimasaqalernissaallu
- Inunnik sullissinermut atatillugu iumaginninnerup iluani sulinerup ileqqorissaarnerullu isumaasa imarisaaq ilisimasaqariartuaalernissaat
- Isumaginninnerup ataqtigittumik aaqqissugaanerata sannaaiilisimasaqarfigilernissaat
- Isumaginninnerup iluani ajornartorsiutnik suussusersisinnanaanermut, nassuaasinnaanermut misissuisinnaanermullu piginnaasaqalernissaat
- Isumaginninnerup iluani sulinermi tamakkiisumik isigalugu immikkoortuanik paasisimasaqalernissaat
- Isumaginninnerup iluani nammineq atorfitsik allallu atorfiiit pillugit ilisimasaqalernissaat
- Aningaasaqarneq missingersuusiornerlu pillugit annertunerusumik qaffasissusilimmik ilisimasaqalernissaat

Modul 2: Ingerlatitsiviit pillugit ilisimasassat

- Ingerlatitsiviit sannaat atuuffiilu
- Ingerlatitsivinni aalajangiisarnernut tunngavigineqartut ilisimasaqarfigilernissaat
- Inatsiseqartitsinikkut paasissutissanik pissarsivissat
- Inuit pisinnaatitaaffii
- Sulianik suliaqarnermut malittarisassat
- Nipangiussisussaatitaanerup inunnulu namminernut paasissutissanik ingerlatitseqqiisarnerit ukkatarineqarneri
- Naammagittaalliuuteqarnerit ingerlatitsivinnilu nakkutiginninneq

Modulimi siunertaavoq peqataasut pisortani ingerlatsinermi sulianik suliaqarnermut tunngavigineqartut pillugit paasisimasaqalernissaat.

Ingerlatsinermut inatsimmut tunngasunik taaguutinik malittarisassanillu ilinniartitsisoqassaaq. Inatsiseqarnikkut paasissutissanik pissarsivissat kiisalu qanoq paasineqarnissaannut periaatsit sammineqassapput. Inuit pisinnaatitaaffii naleqartitaallu aamma modulimi ilaassapput. Sulianik suliaqarnermut inatsimmi malittarisassat, tassani nipangiussisussaatitaaneq inunnulu namminernut paasissutissanik ingerlatitseqqiisarneq modulimi uani ukkatarineqarnerpaassapput. Ingerlatitsivimmeli naammagittaalliorssinnaanermut periarfissanik ilisimasaqarneq innuttaasullu aalajangiineq pillugu naammagittaalliorssaminnut periarfissaat ilinniartitaanermi sammineqassapput aammattaaq sulianik suliaqarnermut malittarisassat maleruarneqanngippata kingunerisinnaasai sammineqassapput.

Modulimi anguniarneqarpoq peqataasut:

- Inatsiseqarnikkut paasissutissanik pissarsivissat assigiinngitsut isumaginninnerup iluani suliassaqarfimmi atorneqartartunik ilisimasaqarlualernissaat
- Inuit pisinnaatitaaffii pillugit ilisimasaqalernissaat
- Sulianik suliaqarnermut inatsimmi aalajangersakkat pillugit ilisimasaqalernissaat paasisimasaqarnissaallu
- Nipangiussisussaatitaanermut inunnulu namminernut paasissutissanik ingerlatitseqqiisarnermut malittarisassat maleruarssinnaanngornissaat
- Atuisut naammagittaalliorssinnaanerannut periarfissaat pillugit siunnersorsinnaalernissaat
- Isumaginninnerup ataqtigittumik aaqqissugaanerata sannaanik ilisimasaqalernissaat ingerlatitsivimmeli nakkutilliinermut ilisimasaqalernissaat
- Sulianik suliaqarnermi malittarisassat maleruarneqanngippata kingunerisinnaasaanik ilisimasaqalernissaat

Modul 3: Isumaginninnerup iluani suliassat inuiaqatigiinnilu pissutsit

- Inuiaqatigiinni pissutsit isumaginninnerullu iluani suliassat ataqatigiinnerat
- Nalitsinni kalaallit inuiaqatigiit ineriarornerata oqaluttuarisaanera
- Inuunermi atukkat, inuusaatsit inuunerullu pitsaassusia
- Inuunermi atukkanik misissuineq
- Atugarissaarnermik aaqqissuussaanerit
- Inuit ataasiakkaat, eqimattakkuutaat inuiaqatigiinnilu isumaginninnerup iluani suliassanik suussusiineq misissueqqissaarinerlu
- Suaassuseq naligiissitaanerlu
- Inuiaqatigiinni sulisinneqarneq

Modulip siunertaa tassaavoq peqataasut isumaginninnerup iluani sulinermi inuiaqatigiinni pissutsinut attuumassuteqarnera pillugu paasisimasaqalernissaat.

Inuunermi atukkanik misissuinerit saqqummiunneqassapput aamma inooriaatsit, inuusaatsit inuunerillu pitsaassusia pillugit teoriinik ilinniartitsisoqassaaq.

Atugarissaarnermik aaqqissuussaanernut teoriit pillugit ilinniartitsisoqassaaq, tassani qanoq taakku aaqqissuussaanerit isumaginninnermut politikeqarnermut attuumassuteqarnersut ilinniartitsissutigineqassaaq.

Inuiaqatigiit tungaanniit sammivilikkamik isumaginninnermi suliat nassuiardeqassapput. Aammattaaq naligiissitaanerup isumaata imarisaa suaassutsimut atassuteqarnera modulimi ilaavoq.

Modulimi anguniarneqarpoq peqataasoq modulimik naammassinnereeruni:

- Isumaginninnermi suliat ilisarnaataannik pilerneranillu ilisimasaqalernissaal paasisimasaqarnissaal
- Kalaallit Nunaanni inuiaqatigiit ineriarornerata oqaluttuarisaaneranik ilisimasaqalernissaal
- Kalaallit Nunaanni inuunermi atukkanik misissuinernik ilisimasaqalernissaal
- Inooriaatsit, inuusaatsit inuunerullu pitsaassusianik pillugit teoriinik ilisimasaqalernissaal
- Isumaginninnerup iluani nammieq allanilu atorfilit suliarisaat pillugit paasisimasaqalernissaal, kiisalu susassaqaqtigittut sammisaqarfinni assigiinngikkaluani suleqatigiinnerata pingaruteqarnera pillugu paasisimasaqalernissaal
- Atugarissaarnermik aaqqissuussaanerit assigiinngitsut inunnut imminnut paarisinnaanngitsunut atatillugu pingaruteqassusaanik paasisimasaqalernissaal
- Inuiaqatigiinnut tunngassuteqartunik pissutinik inuiaqatigiinni naligiissitsinngilersinnaasunik ilisimasaqalernissaal
- Naligiissitaanermut suaassutsimullu taaguutinut atatillugu suut atuuttuunersut ilisimasaqarfigilernissaal
- Isumaginninnerup iluani pitsaliuinermik suliaqarnermi atuisut assigiinngitsutigut ilanngunneqarsinnaanerinut ilisimasaqalernissaal

Modul 4: Inunnut ataasiakkaanut, innuttaasunut ilaqtariillu pillugit inatsit

- Ilaqtariinnermut tunngasutigut meeqqat pisinnaatitaaffii
- Angajoqqaatut oqartussaassutsip imarisaa meeqqanillu nammineersinnaanngitsunik nakkutiginninnermut malittarisassat
- Inersimasut nakkutiginnittussat malittarisassat
- Aappariinneq pillugu inatsit pilersuisussaatitaanerlu
- Innuttaasunut inatsisip iluani malittarisassat toqqammavagineqartut
- Inersimasutut piginnaalersimangitsut taakkualu pisinnaatitaaffii
- Qitornavissiartaartussanik naliliinissamut atatillugu qitornavissiartaarnermut inatsit
- Isumaginninnermi malittarisassanut atatillugu ilaqtariit pillugit inatsit

Modulip siunertaraa peqataasut isumaginninnerup iluani sulinermi pingaaruteqartumut ilaqtariit pillugit inatsimmi malittarisassanik ilinniartinneqarnissaat.

Tamanna isumaqarpoq meeqqat pisinnaatitaaffii pillugit malittarisassat aamma pilersuisussaatitaanermut, angajoqqaatut oqartussaassutsip nakkutiginnittussallu taaguutaasa suut nassatarineraat pingaartumik sammineqassasut.

Taassuma saniatigut modulip siunertaraa peqataasut Isumaginninnerup iluani Siunnersortitut Sulinermut attuumassuteqarsinnaasunik innuttaasunut inatsimmi malittarisassanik ilisimasaqalernissaat.

Isumaqtigiinnissamut malittarisassaasinnaapput aamma namminersorsinnaasutut piginnaassuseqartitaanermut malittarisassat. Inersimasutut piginnaalersimangitsut pigisaat nalillit pillugit ilinniartitsissutigineqassapput kiisalu ilaqtarsiaasussat akuerineqarnissaannut atatillugu qitornavissiartaarnermut inatsimmi aalajangersakkat sammineqassallutik.

Moduli ilaqtariit pillugit inatsimmi malittarisassat pisortanilu aalajangersimasumik periutsit ataqtigiinnerat pillugu nassuaanermik naggaserneqassaaq.

Modulimi anguniagaq tassaavoq peqataasut:

- Angajoqqaatut oqartussaassuseq, nakkutiginnittussat pilersuisussaatitaanerlu pillugit angajoqqaanik siunnersuisinnaalernissaat
- Isumaginninnerup iluani sulinermi meeqqat pisinnaatitaaffii pillugit ilisimasatik atorsinnaalernissaat
- Inuit 18-it sinnerlugin ukiullit namminersorsinnaanerannik arsaarinninnissamut atatillugu malittarisassanik ilisimasaqalernissaat
- Isumaqtigiinnermut inatsit piginnaassuseqartitaanermullu malittarisassat pillugit ilisimasatik ulluinnarni sulinerminni atorfissaqartinneqalissappata atorsinnaalernissaat
- Inersimasutut piginnaalersimangitsut pigisaminnik nalilinnik atuisinnaatitaanerat pillugit ilisimasaqalernissaat taamaasillutilu siunnersorsinnaalernissaat
- Qitornavissiartaarnermut inatsit pillugu ilisimasaqalernissaat
- Ilaqtariit pillugu inatsit isumaginninnerlu pillugu inatsiseqarnerup ataqtigiinnerinik paasisimasaqalernissaat

Modul 5: Meeqqat inuusuttullu

- Ineriartorerup nalaani tarnip pissusaanik, kinaassutsimik inerikkiartortitsineq, inooqatigiinnilu inooqataaneq kiisalu meeqqat inuunermanni atugaat
- Sumiginnaaneq tamassumunnga ilanngullugu kinguaassiutitigut atornerluineq
- Inooqatigiinnermi assigiinngissuseq piitsuunerlu
- Inatsisit meeqqanut inuusuttunullu attuumassuteqartut tamassumunnga ilanngullugu iliuusissatut pilersaarutit
- Susassaqaqatigiittut sammisaqarfinni assigiinngikkaluani suleqatigiinnerat
- Ilaqtariinni ajornartorsiutinik pitsaaliuinermut atortussat periaatsilluunniit
- Ilaqtariinnut pissaatikitsunut atatillugu teoriit periaatsillu

Modulip siunertaraa peqataasut meeqqanut inuusuttunullu atatillugu inooqatigiinnermi ajornartorsiutinik suussusersisinnaalernissaat, kiisalu pitsaaliuinarluni isumaginninnerullu iluani suliniuteqarniarluni ajornartorsiutinik ukuninnga misissuisinnaanissaq naliliisinnaanissarlu.

Ineriartorerup nalaani tarnip pissusaanik, kinaassutsimik inerikkiartortitsineq, inooqatigiinnilu inooqataaneq kiisalu meeqqat inuunermanni atugaat pillugit ilinniartitsisoqassaaq. Sammisat soorlu inooqatigiinni assigiinngissuseq, inuunermi pissutsinik allannguisut, kinguaassiutitigut kannguttaatsuliornerit, tarnikku timikkullu persuttaasарneq aamma sumiginnaaneq modulimi ilaatinneqassapput.

Susassaqaqatigiittut sammisaqarfinni assigiinngikkaluani suleqatigiinnerat iliuusissatullu pilersaarusiortarneq ilisaritinneqassapput.

Ilaqtariinni ajornartorsiutinik pitsaaliuinermut ikorsiinermullu teoriit, periaatsit sulinermilu atortussat nassuiarneqassapput assersuusiarineqarlutillu.

Modulimi anguniagaq tassaavoq ilinniartoq naammassinnereeruni:

- Meeqqanik inuusuttunillu navianartorsiortunik sullissinerup iluani ajornartorsiutinik suussusersisinnaanissa, nassuaasinnaanissa misissuisinnaanissaaluu
- Meeqqanut inuusuttunullu suliniutinik ilisimasaqalernissa
- Misissueqqissaarineq tunuliaqutaralugu isumaginninnerup iluani suliniuteqarnissamut pilersaarusiorsinnaanissa tamassumunnga ilanngullugu inatsisit attuumassuteqartut ilanngussinnaanissai
- Susassaqaqatigiittut sammisaqarfinni assigiinngikkaluani suleqatigiinnerat pillugu ilisimasaqarnissa suleqataasinnaariartornissaaluu
- Ilaqtariinnut pissaatikitsunut atatillugu teoriinik, periaatsinik atortussanillu ilisimasaqalernissa taakkuninngalu ulluinnarni sulinermini atuisinnaalernissa

Modul 6: Suliffimmi pissutsit

- Kalaallit Nunaanni suliffeqarfeqarfik ilinniartitaanermilu aaqqissuussaaneq
- Suliffeqarfeqarfimmi politiki
- Sulisinnaassutsip nalilerneqarnera aamma tulluarsaqatigiaanik immikkoortiterineq (matchgruppering)
- Tulluarsaqatigiaat 3-mik ukkataqarneq
- Kajumilersitsitsilluni sulisitsineq
- Inatsisit suliffissaaleqisunut attuumassutillit
- Suliffissaaleqinerup inunnut ataasiakkaanut, ilaqtariinnut inuaqatigiillu tungaatigut sunniutigisinnaasai

Modulip siunertaraa Kalaallit Nunaanni suliffeqarfeqarfipi, sulisut tamarmik, nikilertortarnerata kiisalu suliffeqarfeqarfimmut atatillugu ilinniartitaanermi aaqqissuussaanerup ersarissarneqarnissai.

Peqataasut suliffissaaleqisunut atatillugu pitsaliuinissamut ikorsiinissamullu periutsinik ilisimasaqalissapput. Pissutsit pillugit suliassaqarfiup iluani isumaginninnermi suliassanik pilersitsisinnaasut pillugit piginnaasaqarfigilissavaat.

Suliassaqarfimmi inatsisit suliareqqissaarneqassapput, tassani pingaartumik pisortanit ikorsiissutit sammineqassapput, aammattaarli suliffeerunnermut ikorsiissutit pillugit inatsit, piginnaanngorsaqqiineq inatsisillu allat attuumassuteqartut ilanngunneqassapput.

Modulimi anguniagaq tassaavoq peqataasup naammassinnereeruni:

- Suliffeqarfeqarfipi iluani inuttut ajornartorsiutinik suussusersisinnaanissaa, nassuaasinnaanissaa misissuisinnaanissaal
- Suliffeqarnermut tunngasutigut ajornartorsiutinut tunngasunik suliniuteqarnissamut ilisimasaqalernissaa
- Inatsimmik naleqquttumik atuisinnaalernissaa
- Tulluarsaqatigiaanik immikkoortiterineq aallaavigalugu sulisinnaassutsimik naliliisinnaanissaa
- Inunnut suliffeqanngitsunut iliuusissatut pilersaarusiorsinnaanngornissaa

Modul 7: Inuttut inooqatigiinnikkullu naligiinnginneq atugarliornerlu - inuk ataaseq ilaqtariillu

- Nalinginnaasut allaassuteqartullu pillugit teoriit
- Eqimattat navianartorsiortut pillugit ilisimasaqarneq
- Inummut ataatsimut naleqqussaariaatsit, avissaartiterineq, peqataalersitsineq peersitsinerlu
- Inersimasut navianartorsiortut pillugit isumaginninnikut sulineq
- Inunnut innarluutilinnut inatsit
- Utoqqalinersiutit pillugit inatsit
- Inuaqatigiinni sulisinneqarneq

Modulimi siunertarineqarpoq inummut ataatsimut ilaqtariinnullu tunngatillugu inooqatigiinnermi assigiinngissutsimut navianartorsiormullu taaguutinik ilisarititsinissaq, isumaginninnerup iluani suliniutinik aallartitsinissaq anguniarlugu pineqartut ajornartorsiutaat suussusersisinnajumallugit, missoqqissaarsinnaajumallugit nalilersinnaajumallugillu.

Inuit innarluutillit pillugit suliassaqarfik ilinniartitsissutigineqassaaq, suliassaqarfimmi tessani nalunaarutit siunnersuinerlu ilanngunneqassapput. Siusinaartumik soraernerussutisiaqalernermut inatsit aamma ilanngunneqassaaq.

Isumaginninnerup iluani inersimasunut ikorsiinermi periutsit assigiinngitsut tamassumunnga ilanngullugu sullissinissamut periarfissat. Moduli isumaginninnerup iluani inunnik ataasiakkaanik ilaqtariinnillu sullissinermi atuisunik peqataatitseriaatsnik assigiinngitsunik ilinniartitsinermik naggaserneqassaaq.

Modulimi anguniarneqarpoq peqataasoq naammassinnereeruni:

- Qitiusumik sullitanik ilisimasaqalernissaa
- Inuaqatigiilerinermi tarnillu pissusaanik teoriinik suliassaqarfimmut attuumassuteqartunik ilisimasaqalernissaa
- Isumaginninnerup iluani sulinummik aallartitsinissaq anguniarlugu teoriip ajornartorsiutinut timitalerneqarnissaa pillugu piginnaasaqalernissaa
- Sullitanik pitsaliuinermut ikorsiinermullu suleriaatsnik ilisimasaqalernissaa, tamassumunnga ilanngullugu inuit qanimat tikillugit sulineq atuisunillu peqataatitsineq
- Inatsimmik naapertuuttumik ilanngussaqarsinnaanissaa

Modul 8: Aaqqissuussaaneq, attaveqatigiinneq siunnersueriaaserlu

- Kulturikkut naleqartitat isummallu
- Aaqqissuussaanernut teoriit aqutsinerlu
- Attaveqatigiinneq
- Meeqqanik oqaloqatiginninneq
- Aaqqiagiinnginnermi suliaqarneq
- Siunnersueriaaseq

Modulip siunertaraa peqataasut kulturip isumaata imarisaanik ilisimasaqarfigilernissaat inuaqatigiinnut kulturikkut aaqqiagiinnginnerit pilersinnaasut paasisinnaajumallugit.

Modulimi nammineq isummat naleqartitallu atorlugit suliaqartoqassaaq.

Tamassuma saniatigut ilinniartut oqartussat namminersortullu kattuffiinik ilisimasaqalissapput, taakkunani isumaginninnerup iluani suliaqarnernik ingerlaffiusartunik kattuffiillu pillugit teoriinik aqutsinerlu pillugit ilisimasaqalissallutik.

Attaveqatigiinnginnermi teoriit attaveqatigiinnginnermilu sungiusarnerit modulimi ilaassapput. Oqaloqatiginneriaatsit tusarnaarnissamullu sungiusarnerit, tamassumunnga ilangullugu meeqqanik oqaloqatiginnitarnerit ilaassapput.

Kiisalu aamma aaqqiagiinnginnermi suliaqarnerit siunnersueriaatsillu.

Modulimi anguniarneqarpoq peqataasoq naammassinnereeruni:

- Isumaginninnermi ingerlaatsnik kulturimik pilersitsisartunik ilisimasaqalernissaat
- Aaqqissuussaanerit toqqammaviisa isumaginninnerup iluani suliaqarnermut pingaaruteqassusaat pillugu ilisimasaqalernissaat
- Ataatsimiinnerni aqtsisuusinnaanissaat assigiinngitsutigullu aqtsisuusinnaanermik ilisimasaqalernissaat
- Attaveqatigiinnginnermi piginnaasaqalernissaat
- Aaqqiagiinnginnermi suliaqarnermik ilisimasaqalernissaat tamassuminngalu suliaqarnissaminnut sungiusarsimanissaat
- Siunnersueriaatsimik ilisimasaqalernissaat

Modul 9: Aliasuuteqarneq, ajornartoorneq nalaassimasamillu kingunerlutsitsineq

- Ajornartoornermi teoriit
- Aliasuuteqarnerit kingusinaarlutik takkuttut imaluunniit utaqqitissimasat, tamassumunngia lanngulligit tarnikkut anniaatit timikkut nappaatinngorsimasunut ersiutit aamma/imaluunniit tarnikkut ersiutit
- Inunnik ajornartorsiornermik nalaataqartunut atatillugu ikiuinissamat atortussat periutsillu
- Meeqqat aliasuuteqarnerminni qisuariaataat
- Suleqatinut siunnersueriaaseq
- Imminermut inuttut ineriarternermik suliaqarneq

Modulip siunertaraa peqataasut inunnik ajornartorsiornermik nalaataqarallartunik imaluunniit sivisumik aliasuuteqartunik ajornartorsiutinillu nalaataqartunik isumaginnissinnaalernissaat oqaloqatiginnissinnaalernissaallu.

Meeqqat aliasuuteqartarnerat ukkatarineqassaaq, taamaasilluni ilinniartitaanermi ajornartoornermi teoriinik sammisaqarnikkut meeqqap aliasuuteqarneranik paasisimasaqalerneq, ilisimasaqalerneq paasinnissinnaanerlu anguneqassaaq. Peqataasoq ilinniartitaanermigut, sungiusartitaanermigut sulianillu piviusunik sammisaqarnermigut sullitaminik aliasuuteqartunik suliaminik ilisimasalittut ikiuisinnaanngussaaq.

Siunnersueriaatsini ileqqorissaarnissamat malittarisassat pillugit ilisarititsisoqassaaq, kiisalu siunnersueriaatsinik siunnersuinermilu ilitsersuunneqarneq. Ilinniartoq nammieq inuunermini aliasuutigisaminik ajornartorsiutiminillu suliaqarnissaminik perarfissaqassaaq.

Modulimi anguniarneqarpoq peqataasoq naammassinnereeruni:

- Inummik aliasuuteqartumik naapertuuttumik oqaloqatiginnissinnaalernissaa
- Ajornartoornermi teoriinik ilisimasaqalernissaa inunnillu ajornartorsiornermik nalaataqartunut atatillugu iliuuseqarnissaminut atortussaqalernissaa
- Meeqqat aliasuuteqarnerminni qisuariaataat pillugit ilisimasaqalernissaa aamma meeqqanik aliasuuteqartunik ikiueriaatsip pitsasup suuneraunik ilisimasaqalernissaa
- Sullitaminut aliasuuteqartunik, ajornartorsiornermik nalaataqartunik ajornartoornermilu inisisimaffeqartunik suliaminik ilisimasalittut ikiuisinnaalernissaa
- Suleqammik siunnersuinermigut suleqatiminik tapersersuisinnaalernissaa
- Immieq inuunerminut tunngatillugu erseqqinnerusumik ilisimasaqalersimanissaa

Modul 10: Isumaginninnerup iluani siunnersuineq

- Isumaginninnerup iluani siunnersuinertermi suliaqarnermi inuttut piginnaasat
- Isumaginninnerup iluani Siunnersuineq siunnersueriaatsillu allat
- Oqartussaasutut suliaqarneq sulianillu suliaqarneq
- Isumaginninnerup iluani Siunnersuinertermi isumaginninnikkut ikorsiinermik suliaqarneq
- Najugarisami inuaqatigiinni sulisinneqarneq
- Isumaginninnerup iluani sulinermi allannermi oqaatsit atorneqartartut

Modulip siunertaraa isumaginninnerup iluani sulinermi taaguutit eqikkarneqarnissaat kiisalu isumaginninnerup iluani siunnersuineq pillugu tigussaasumik sammisaqarnissaq.

Aqqutissiuinertermi siunnersuinertermilu periutsit assigiinngitsut pillugit ilinniartitsisoqassaaq. Aammattaaq inunnik ataasiakkaanik, eqimattakkaanik innuttaasullu ataatsimut isigalugit ikiorseeriaatsit assigiinngitsut pillugit ilinniartitsisoqassaaq.

Najugarisami inuaqatigiinni sulisinneqartarnikkut pitsaaliuinermut periutsit sammineqassapput.

Modulimi anguniarneqarpoq peqataasoq naammassereeruni:

- Innuttaasunik siunnersuinissaminut piginnaasaminik sungiusarsimanissa
- Aqqutissiuinerup, siunnersuinerup ikorsiinerup assigiinngissutaat ilisimalissagai
- Oqartussaasutut imminut ilisimmaarittussaanissa sulianillu suliaqarnermut inatsimmi malittarisassanik paasisimasaqarnissa
- Inunnik ataasiakkaanik, eqimattakkaanik innuttaasunillu ataatsimut isigalugit isumaginninnikkut ikorsiinermi periutsinik assigiinngitsunik ilisimasaqarnissa
- Najugarisami inuaqatigiinni sulisinneqarneq pillugu ilisimasaqarnissa
- Isumaginninnerup iluani sulinermut atatillugu allattariarsornermi piginnaasani pitsangorsarsimassavai

Modul 11: Piffissamut itinerusumik sammisaqarfissamut aalajangersimasumillu qulequtsiilluni allaaserinninnissamut piareersarneq

- Peqataasut kissaataat malillugit sammisanik saqqummiussineq
- Aalajangersimasumik qulequtsiilluni allaaserinninneq
- Allanneq
- Sammisassamut apeqqusiaq
- Atuakkanik atugassanik ujaasineq
- Aalajangersimasumik qulequtsiilluni allaaserisap aallartinnera
- Inuttut ataasiakkaatut siunnersortinneeq

Modulip siunertaraa peqataasup isumaginninnerup iluani atuagarsornerup sulinerullu tunngasutigut killilimmik, qitiusumik sammisamik ajornartorsiummilluunniit immikkut paasisimasaqalernissaa.

Projekti kisimiilluni eqimattatulluunniit annerpaamik sisamaalluni suliarineqarsinnaavoq. Pisuni tamani peqataasup namminersorluni suliaqarsinnaanera piumasaqaataavoq. Projektip isumaginninnerup iluani sulinermi pitsanggorsaaqataanera pillugu peqataasut tunngaviliissapput. Projekti teoriit, maligassat, periutsit isummallu imarisannik tunngavilersorneqassaaq ersersinniarlugu isumaginninnerup iluani sulineq ilinniartitsissutinit assigiinngitsunit toqqammaveqartoq kiisalu pisuni ataqtigittuni aalajangersimasuni kisiat isumalimmik paasinarsarneqarsinnaasoq.

Ilinniartoq ajornartorsiummik aallaaveqartumik projektimik suliaqassaaq, killilimmik ajornartorsiutitalimmik – oqaasertalikkamik. Ajornartorsiut allaaserineqartussaq siunnersortimit akuerineqassaaq.

Projektimik suliaqarnermi ajornartorsiut aallaavigalugu ilinniartitsisoqassaaq.

Paasissutissanik katersinermi atuinermilu periutsit aamma projektimik allaaserinninneq pillugit ilinniartitsisoqassaaq.

Modulip ingerlanerani peqataasut sammisat itisilerneqarnissaanik kissaatigisimasaat pillugit saqqummiisoqassaaq.

Modulimi anguniarneqarpoq peqataasoq naammassinnereeruni:

- Qitiusumik sammisap tunngavilersorneqarnissaanut ilisimasaqalerlunilu piginnaasaqalernissaa
- Isumaginninnerup iluani sulinermut atatillugu ajornartorsiummik killilerlugu aalajangersimasumillu inissiisinnaalernissaa
- Ajornartorsiut erseqqissarumallugu atortussanik misissuisinnaanngorlunilu suliaqarsinnaalernissaa
- Ilinniakkami suliaqarfii aalajangersimasunit teoriinik taaguutinillu pissarsiaminik atuisinnaanini takutissinnaanngornissaa
- Misissuinerup inernerata suliassaqarfimmit tunngavilikamik paasinartumillu allattariarsornikkut ingerlateqqissinnaalernissaa

Modul 12: Soraarummeerneq

Suliakkiissutigineqartoq modulip aallartinnerani tunniunneqassaaq. Soraarummeernerup tungaanut piffissaq peqataasut saqqummiinissaminnt soraarummeernissaminnullu piareersaatitut atussavaat.

Suliakkiissutigineqartumut toqqammavagineqartussat soraarummeernissarlu pillugit paasissutissat ilinniarneq pillugu quppersakkami tapertaasumi atuarneqarsinnaapput.

Soraarummeerneq misilitsinnerillu

Modulini misilitsinnerit

Modulini misilitsinnerit oqaluttariarsornermi, allattariarsornermi imaluunniit taakkua ataqtigiissillugit misilitsinnerupput. Soraarummiissutini misilitsinnerillu ilaanni eqimattatut suleqatigiinnissaq piumasaqaataavoq. Modulini misilitsittarnermi siunertarineqarpoq ilinniarnermi pissarsiarisartakkat annertusineqarnissaasa qularnaarneqarnissaa, tassani modulit ilinniartitsinernut ilinniartullu sulinerannut ataqtigiissillugit. Aammattaq ilinniartup modulinit ataasiakkaaniit ilikkarsimasaminik sammisamullu paasisimasaminik namminerlu sulinerminut ataqtigiissillugit nalilersorneqarsinnaavoq, tak. modulit tamarmik siunertai.

Modulini misilitsinnerni siunertarineqarpoq ilinniartup ilinniartermini pissarsiaata annertusineqarnissai ilinniarternilu tamaat ilikkagaata atajuarnissaat, aamma modulit ingerlannerisa akornanni. Modulini misilitsinnerit ima aaqqissuunneqarput suliaqarfinni aalajangersimasuni atuagarsornerup misissueriaatsillu ineriartornerisa suli qaffassarneqarneratigut.

Modulit tamarmik naaneri misilitsinnermik naggaserneqartarput, taakkua akuerineqarlutilluunniit angusiffigineqassapput tak. soraarummeernermi ilinniarfiup iluaniit avataaniilluunniit nalileeqataasoqartillugu kalaallit karakteerileeriaasiat (Den Grønlandske Karakterkala (GGS)). Tassani toqqammavagineqartut ilinniarneq pillugu quppersakkami ilaatinneqartumi sukumiinerusumik allaaserineqarput.

Ilinniarterup ingerlannerata nanginneqarsinnaanissaanut modulini misilitsinnerit akuerineqarlutilluunniit angusiffigineqarsimassapput. Modul 5-im aamma 9-mi ilinniartitaanernut peqataannginnermi modulit siuliini misilitsinnerit akuerineqarsimassapput imaluunniit angusiffigineqarsimassallutik.

Inaarutaasumik misilitsinnej

Inaarutaasumik misilitsissinnaanngorniaraanni modulini misilitsiffigisat tamarmik akuerineqarsimallutilluunniit angusiffigineqarsimasariaqarput.

Inaarutaasumik misilitsinnermi ilinniartoq kisimiilluni imaluunniit eqimattatut aalajangersimasumik queleqtsiilluni allaaserisani/allaaserisartik tunniutissavaa/tunniutissavaat, taanna oqaluttariarsorluni misilitsinnermi

aallaavagineqassaaq. Ilanniartoq avataaniit nalileeqataasulimmik soraarummeernermini kalaallit karakteerileeriaasiat (GGS) malillugu nalilerneqassaaq.

Allattariarsornikkut oqaluttariarsornikkullu misilitsinnerup ataatsimut nalilerneqarneranut immikkoortut ukua tunngavigineqassapput: Isumaginninnerup iluani Siunnersortitut ilinniakkamik naammassinnissimasup piginnaasatigut ilisarnaatai aamma Isumaginninnerup iluani Siunnersortitut Ilinniagartuutut Ilinniakkami ilikkagassatut anguniakkat.

Soraarummeernermi modulinilu misilitsinnerni soraarummeertunik nalileeqataasut pillugit aalajangersakkat

Ilinniakkap pitsaassusaa qularnaarneqassaaq ilaatigut avataaniit soraarummeernermi nalileeqataasartunit akuerisanit nalileeqataasoqarneratigut. Nalileeqataasussat PI/SPS-imuit inniminnerneqassapput rektorillu akuersineratigut peqataatinneqassallutik. Tamanna aamma misilitsinnerni ilinniarfiup iluaneersumik nalileeqataasoqartuni atuuppoq. Aallaavittut soraarummeernerri misilitsinninilu nalileeqataasoq ataasisusarpoq.

Soraarummeernerit misilitsinnerillu internetikkut kiffartuussivikkut ingerlanneqarnissaat aaqqissuunneqarsinnaavoq. Internetikkut kiffartuussivikkut oqaluttariarsornermi misilitsinnernik soraarummeernermillu aaqqissuussinerni ilinniartoq soraarummeertunik nalileeqataasumik imaluunniit rektorip akuerisimasaanik inummik allamik ilaqtuaannassaaq.

Misilitseqginnissamut, napparsimanerup kingorna soraarummeernissamut sulifimmillu misiliinissamut piffissarititaq nutaamut aalajangersakkat

Nakorsamit oqaaseqaammik uppernarsarneqarsimasumik napparsimaneq imaluunniit inatsisigut naapertuuttumik pisinnaasimannginneq pissutaalluni ilinniartut misilitsissimanngitsut soraarummeersimanngitsullu ilinniarfiup aalajangersaaneratigut napparsimanerup kingorna soraarummiissapput.

Misilitseqqinnej/napparsimanerup kingorna soraarummeerneq sapinngisamik piaernerpaamik kingusinnerpaamillu ilinniartitsissummi tullissaani nalinginnaasumik misilitsittoqarnerani ingerlanneqassaaq.

Inaarutaasumik misilitsinnernut peqataatitaqqinnej nalinginnaasumik marloriaannaq pisinnaavoq.

Misilitseqqissinnaatitaaneq aatsaat ‘akuerineqanngitsutut’ nalilerneqarnermi imaluunniit karakteeritigut angusinnginnermi pisinnaavoq; assersuutigalugu Fx-imik F-imilluunniit karakteerinassimanermi (GGS malillugu).

Soraarummeernermut allagartaq ilassuteqaatitullu allagartaq (Diploma Supplement)

Inaarutaasumik soraarummeernermi Isumaginninnerup iluani Siunnersortitut Ilinniagartuutut Ilinniakkamik naammassinnissimasutut allagartartaartoqassaaq. Allagartaq kalaallisut danskisullu tunniunneqassaaq.

Ilinniartup kissaatigippagu ilinniarfik ilassuteqaatitut allagartamik (Diploma Supplement) tunniussisinnaavoq. Allagartaq taanna European Commissionimit, Council of Europemit aamma UNISCO/CEPES-imiit tuluttut allataavoq, siunertarivaalu ammasumik periuseqartumik suliamillu ilisimasalittut akuerineqarnissaq aamma ilinniakkap imarisaanik, annertussusaanik qaffasissusaanillu naammassinnissimanerup uppernarsarnissaaq.

Naammagittaalliornerit

Ilinniartup misilitsinnej soraarummeernerluunniit naammagittaalliuutigerusussappagu kingusinnerpaamik naliliiffingineqarnerup nalunaarutigineqarnerata kingorna sapaatip akunneri marlut qaangiutsinnagit naammagittaalliuut ilinniartumit nammineerluni tunniunneqassaaq. Naammagittaalliuut allakkatiguussaaq aamma patsiseqassaaq.

Rektorip naammagittaalliuut naliliisunut piaernerpaamik saqqummiutissavaa, taakkualu naammagittaalluummi suliatigut pineqartumut oqaaseqarnissaminut nalinginnaasumik sapaatip akunnernik marlunnik periarfissinneqartarpuit. Ilinniartoq sapaatip akunnerata ataatsip iluani killigitinneqartumik naliliisut oqaaseqaataat pillugu oqaaseqarnissaminut periarfissinneqassaaq.

Tamassuma kingorna rektori allakkatigut patsisilimmik aalajangiissaq.

Ilinniarnerup nalaani nunani allaniinneaq

Ilinniagartuutut ilinniagaq ilinniartunut suliffeqartunoortuuvoq, taamaammat ilinniarnerup ingerlanneqarnerani nunani allaniinnissaq aaqqissuunneqarsinnaanngilaq. PI/SPS-ip, ilinniartup suliffiatalu akornanni isumaqatigiissutigineqarsinnaavoq ilinniartoq nunami allami ilinniarfimmi moduli ataaseq ingerlassinnaagaa. PI/SPS-imit nalilerneqassaaq modulip Isumaginninnerup iluani Siunnersortitut Ilinniagartuutut Ilinniakkami ilikkagassatut anguniakkanut qanoq naapertuutsiginera, kiisalu ilinniakkap ingerlanerani modulimut/modulinut sorlernet/sorlernut ilinniartup modulit naammasseriikkani nuussinnaanerai nalilerneqassalluni.

Ilinniarnerup nalaani siunnersortinneaq

Holditut, eqimattakkaatut imaluunniit kisimiilluni siunnersortittoqarsinnaavoq aamma tamanna internetikkut ingerlanneqarsinnaavoq.

Siunnersuinerup siunertaraa ilinniartup suliaminut ilinniarnereminullu akisussaaffimmik tigusineratigut pitsasunik atugaqarnissaa taamaasillunilu inuttut sulisutullu ineriertussalluni.

Siunnersortinnissamut aallarniineq ilinniartumiit eqimattaniilluunniit aamma ilinniartunut siunnersortimiit ilinniartitsisuniillu pisinnaavoq.

Ilinniartunik siunnersuineq

Ilinniarnerup ingerlanneqarnera tamakkerlugu ilinniartunut siunnersortimit siunnersorneqarnissaq periarfissaavoq.

Siunnersortinneq ilinniarneq pillugu apeqqutinut nalinginnaasunut, ilinniarnermi ajornartorsiutinut (inuttut inooqataanikkut imminermullu tunngasut) tunngassuteqarsinnaavoq, tamassumunnga ilanngullugit ilinniarnermut peqataanngippallaarneq, suleqatigiinneq, napparsimaneq tassanilu immikkut ittumik ilinniakkamik ingerlatsinissamut periarfissinneqarneq, ilinniakkami sulianut tunngasunut ajornartorsiutit (ilinniartitsisunik suleqateqarneq imaluunniit immikkut ittumik ingerlatanik aaqqissuussineq) aamma immikkut perorsaanikkut ikorsiisarnerit pillugit. Ilinniartunut siunnersortip akisussaaffigaa ilinniartoq ilinniariup avataani ikiorserneqarnissaanut periarfissai pillugit siunnersornissaa, assersuutigalugu Nuna Tamakkerlugu Ilitsersuisarfiup ataaniittumi Ilinniartunut Siunnersuisarfimmi ikiorserneqarsinnaanera.

Suliatigut siunnersortinneq

Ilinniartitsisut tamarmik holdimut attuumassuteqartut suliatigut siunnersuisarput aamma ilinniartup ilinniarnerani tapersersortarpaat.

Peqataanissamut pisussaatitaaffik

Peqqussutit nalunaarutillu naapertorlugit ilinniariup ilinniakkamik aaqqissuussaanut ilinniakkamut ilinniartoq peqataassaaq. Ilinniartup peqataanerminut eqquutsitsinera ilinniariup nalunaarsussavaa, ilinniarifullu ilinniartoq ilinniarnerminut peqataanissaminut pisussaaffeqarnera nalunaarsorneqartussaaneralu pillugit paasitissavaa.

Ilinniakkamik aallussineq

Ilinniartoq ilinniakkap immikkoortuini tamani ilinniakkaminik aallussissalluni pisussaatitaavoq. Ilinniakkamik aallussineq tassaavoq ilinniartup modulini ilinniartitaanera, ilinniakkamit ilinniartitsisumiillu piumasarineqartutut suliakkiissutinik tunniussisarnissaa, kiisalu ilinniakkami misilitsinnernut peqataasarnissaa.

Taassuma saniatigut ilinniartup akisussaaffigaa ilinniartitsisut ilinniaqatinilu peqatigalugit ilinniassalluni. Peqataaneq tassaavoq najuunneq, kinguneqarluartussamik suleqatigiinnermik aallarniineq ilikkagaqarniarnikkullu tunngasutigut nutaanik eqqarsarnissamut suliaqarnissamullu piumassuseqarneq.

Amigartumik peqataaneq

Peqataanissamut pisussaatitaaffimmut amigartumik peqataanerup kingunerissavaa ilinniartup qimataaffigisaminik angumersinissaminik piumaffigineqarnissaa, imaluunniit ilinniartup soraarummeersinnaanissaminut periarfissaanik arsaagaaneranik. Peqataanissamut pisussaaffimmik eqquutsitsineq soraarummeersinnaanissamut piumasaqaataavoq.

Ilinniartoq amerlasooriarluni allaganngorlugu mianersoqqussummik tunineqarsimappat imaluunniit piffissami sivisunerusumi peqataanissaminut pisussaaffini eqquutssimannngippagu ilinniartoq ilinniakkaminiit anisitaasinnaavoq.

Piffissaq naammassinissamut atorneqartoq

Piffissap ilaannaa atorlugu lsumaginninnerup iluani Siunnersortitut ilinniagartuutut ilinniakkap naammassinissaanut sivisunerpaamik ukiut sisamat iluini ilaatigut misilitseqqinnissaq napparsimanerullu kingorna soraarummeernissamut periarfissaqarnissamut naatsorsuussamik sivisussuseqarpoq.

Ilinniakkamik naammassinngitsoornermi ilinniakkamut isernissamut allatuulli piumasaqaatit malillugit qinnuteqartoqarsinnaavoq, taamaattoq siuliani modulini angusiffagalugit peqataaffigisimasat ilinniakkamut nuunneqarsinnaapput. Ilinniartut modulini misilitsiffinni/soraarummeerfinni siuliatigut angusiffigisimasaminni peqataasinnaanngillat.

Immikkut akuerineqarnissamut aalajangersakkat

Pisuni immikkut ittuni ilinniarfik aamma rektorip akuersineratigut ilinniakkap aaqqissuussaanerata uuma malittarisassaanit kiisalu ilinniakkap malittarisassaanit allanit immikkut ittumik pineqarnissaq akuerisinnaavaat.

Aalajangersakkat immikkut akuerineqarnissamut tunngasut naapertorlugit ilinniarfiup ilinniarnermik ingerlatsinerit immikkut ittut aaqqissuussinnaavai, ilinniartoq peqataanissaminut pisussaatitaaffia atorunnaartissinnaavaat aamma/imaluunniit ilinniartitsissutit ilai suliaqarnermullu immikkoortut nakorsap nalunaaruteqarneratigut, ilinniartoq peqqissutsikkut peqquteqarluni ilinniarneq ingerlassinnaanngippagu. Ilinniagaq tamakkernagu naammassineqarsimappat tamanna soraarummeersimanermut allagartami ilaatinneqassaaq.